



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SETSWANA PUO YA GAE (HL)

PAMPIRI YA BOBEDI (P2)

2018

MEMORANTAMO

MADUO: 80

Pampiri e, e na le ditsebe di le 22.

KAROLO YA A: POKO**MABOKO A SETSWANA – MK Mothoagae****POTSO 1: POTSO YA TLHAMO**

ELA TLHOKO: Mo tlhamong ya motlhatlhobjwa go tshwanetse ga akarediwa dintlhha tse di fa tlase. Go tlaa dirisiwa ruboriki ya maduo a a kana ka 10 go tshwaya tlhamo ya motlhatlhobjwa.

'SELELO SA MOOPA' – GK Setou

- Mmoki o mo kutlobotlhokong ka ntlha ya fa e le khutsana, mme a le esi. O ipotsa gore o leofetse Mmopi ka eng gore a mo tlhokise bana jaaka basadi ba bangwe. O ikotlhaela gobo a kopane le monna yo a sa kgoneng go mo tshodisa bana.
- O utlwisiwa botlhoko ke gore o tlhola a ntsheditse batho dimpho, mme ena go se yo a mo fang tsona ka ntlha ya fa a sa kgone go bona bana.
- Batho ba na le bana ba ba ba romang, mme ena o tshwanelwa ke go itirela sengwe le sengwe. O ngongoregela gore ka ntlha ya go tlhoka bana, ga a gole, o nnela ngwana ruri.
- Fa a gola, o ne a na le ditoro, a ipona a na le bana. O santse a eletsa go nna le bana, mme se se tlisa kutlobotlhokongonne ga go kgonagale gore a itibole.
- Ga a bolo go batla thuso mo dingakeng tsa Setswana go leka go ka ima, fela ga retela. Fa basadi ba bangwe ba na le bana go bontsha bosadi ba bona, ena ga a na sepe se a se supang.
- Se se mo utlwisang botlhoko le go feta, ke gore fa a lelela mo bathong go kopa thuso, ga go yo a mo reetsang. Batho ba ne ba mo felela pelo ka ba re o a ba tshwenya, e bile o ba senyetsa boroko ka ba batla go ikutlwelela.
- Mmoki o utlwile botlhoko, mme fela kutlobotlhokongya gagwe ga e bonale mo sefatlhiegong. O bona fa e kete ga a na mosola ope e bile go botoka fa a ka bo a ipolaile, ka botlhokwa jwa go nna mme e le go tshola ngwana. O bona e se motho wa sepe ka ntlha ya fa a tlhoka thari.

[10]

POTSO 2: DIPOTSO TSE DIKHUTSHWANE**'LENTSWE LA MOLEDI' – LD Raditladi**

- 2.1 Ngongorego ya mmoki mabapi le go sa tsewe tsia/go nyadiwa. (2)
- 2.2 Maikutlo a kutlobotlhoko - ka ntlha ya fa a nyadiwa e bile a sa bonwe ka sepe. (2)
- 2.3 Tshwantshanyo - Go tshwantshanya dilo tse pedi tse di tshwanang ka bokao jaaka puo e tshwantshanngwa le metsi a a sa eleleng go bontsha fa puo ya moledi e se na mosola gonnie e sa utlwale. (2)
- 2.4 Poeletsomodumo - go utlwatsa molodi/modumo o o rileng mo lebokong ka go boeletsa tumammogo 'f' go tlhagisa bokao jwa bofufu jo bo tseneletseng jwa go sa kgone go bona sepe, mme go itirelwala fela. (2)
- 2.5 Motho o tshwanetse go reediwa fa a na le sengwe se a batlang go thusiwa ka sona re sa lebelela maemo a a leng mo go ona.
(Dikarabo tsa batlhobjwa tse di nepagetseng di elwe tlhoko.) (2)

[10]

POTSO 3: DIPOTSO TSE DIKHUTSHWANE**'BATHAI BA NKWE' – RD Molefe**

- 3.1 Mokgwa wa go thaisa nkwe. (2)
- 3.2 Okoteifi ke karolo ya ntlha ya leboko ya mela robedi. (1)
Sesetete ke karolo ya bofelo ya leboko ya melathataro. (1)
- 3.3 Tlogelo - ya **le** mo go 'leoto' go nna 'oto' go tlisa go kibakibela ka bonako ga mola wa leboko/go utlwatsa lebelo la serai jaaka se koafatsa 'leoto' la nkwe gore re ikutlwe re e tlhomogela pelo.. (2)
- 3.4 Mothofatso – Nkwe e neilwe maikutlo a setho a go kama go supa bogale jo e tlaa bong e tlhasela le go ngapa ka jona. (2)
- 3.5 Go na le dilo mo botshelong tse o tshwanetseng go di dira ka kelotlhoko/Fa o thaisa nkwe o tshwanetse go nna kelotlhoko
(Dikarabo tsa batlhatlhobjwa tse di nepagetseng di elwe tlhoko.) (2)
- [10]**

POTSO 4: DIPOTSO TSE DIKHUTSHWANE**'LOSO' – MD Mothoagae**

- 4.1 Bosetlhogo jwa loso. (2)
- 4.2 Maikutlo a kutlobothhoko – Ka ntlha ya ditlamorago tse di setlhogo tse di tlisiwang ke loso. (2)
- 4.3 Tshwantshanyo – Go tshwantshanya dilo tse pedi tse di tshwanang ka bokao jaaka go tshwantshanya maano a batlhalefi le metsi a sebataolo go bontsha gore ga go sepe se se ka thibelang loso. (2)
- 4.4 Neeletsano - go golaganya mela e mebedi ntle le go dirisa lekopanyi. (2)
- 4.5 Ga go kwa re ka tshabelang loso gona/oso ga lo tlhaole/oso lo setlhogo.
(Dikarabo tsa batlhatlhobjwa tse di nepagetseng di elwe tlhoko.) (2)
- [10]**

MELODI YA POKO – RM Ramagoshi**POKO E E TLHAOTSWENG****POTSO 5: POTSO YA TLHAMO****'LEREBANA WA LETLALEANYA' – FS Khunou**

- Mmoki o lopa gore a reediwe ka a batla go tshwaela ka ga tshotlego ya gagwe kwa gaabo rraagwe jaaka fa monyala-mmaagwe e se rraagwe.
- O kaya fa a batla go duma jaaka kgwanyape le pula ya dikgadima gore puo ya gagwe e utlwagale sentle.
- Ga a bolo go didimala, jaanong o ititeile mafatlha, mme o batla go lela Sekgatla.

- Mmoki o kaya fa a gakaletswe ke batho. Ba mmolelela dilo di gana go fela, gore ga ba mmatle mo lapeng la bona ka a sa nkgisane lesika nabo.
- A re o a kobiwa ga twe a ye gaabo. O lopa bomalomaagwe go mo thusa gonneso lwa ga mmaagwe lo mo leretse mathata.
- Lo mo tletse ka matsapa a a seng kana ka sepe gonneso buiwa puophaa, mme go se sepe se a se fitlhelwang tebang le go tsholwa ga gagwe.
- Mmoki o bolelelwa dikgang tse di sa jeseng diwelang mo matlhong.
- Borakgadiagwe ba a mo ila. Ba mmolelela fa kwa gaabo e se mo Kgatleng, mme e le kwa Botswana kwa Kgalagadi.
- O bidiwa ka maina a batho basele ba a itseng a sa sikane nabo.
- Mmoki o nagana go sia mo lapeng. O ipotsa gore a o tlaa bo a dirile sentle fa a ka ipha naga.
- O kaya gore fa mmaagwe a tlhokafala o ne a mo laela gore a sale a tlhokometse bomonnawe mo khularong ya gagwe
- Ka ntlha ya lebaka le, o ikana gore bogolo a itshokele mathata a a lebaneng nao go na le gore a tsole lefoko la moswi.

[10]

POTSO 6: DIPOTSO TSE DIKHUTSHWANE

'AFORIKABORWA YO MOŠWA' – MO Molamu

- 6.1 Boikuelo jwa kagiso mo Aforikaborwa o mošwa o o senngwang ke batho. (2)
- 6.2 Maikutlo a kutlobotlhoko - ka ntlha ya gore bana ba fetogile dikhutsana, mme basadi bona ba fetogile batlhlagadi gonneso ba latlhegetswe ke balekane ba bona. (2)
- 6.3 Mothofatso - go dirisitswe leemedi la motho 'wena' go kaya ka moo lekgarejwana le leng mabonomantle ka gona. (2)
- 6.4 Tlogelo - ya **le** mo go 'lerumo' go nna 'rumo' go tlisa go kibakibela ka bonako ga mola wa leboko. (2)
- 6.5 Ntwakgolo ke ya molomo/Ntwa ga e age motse/Re tshwanetse go nna le botho, mme re dirisane mmogo.
(Dikarabo tsa batlhatlhojwa tse di nepagetseng di elwe tlhoko.) (2)

[10]

POTSO 7: DIPOTSO TSE DIKHUTSHWANE

'BOTSOFE' – LD Raditladi

- 7.1 Go felelwa ke maatla ga batho fa ba setse ba godile/tsofetse.
Manokonoko a a nnang teng fa batho ba tsofetse.
(Dikarabo tsa batlhatlhojwa tse di nepagetseng di elwe tlhoko.) (2)
- 7.2 Okoteifi ke karolo ya ntlha ya leboko ya melarobedi.
Sesetete ke karolo ya bofelo ya leboko ya melathataro. (1)
- 7.3 Tlogelo - ya **di** mo go 'dithaka' go nna 'thaka' go tlisa go kibakibela ka bonako ga mola wa leboko/go oketsa lebelo la moribo le moretheto wa molatheto. (2)

- 7.4 Tshwantshanyo – Go tshwantshanya dilo tse pedi tse di tshwanang ka bokao jaaka bosweu jwa meriri bo tshwantshanngwa le jwa mašwi go bontsha ka fa meriri e fetogileng mmala ka gona. (2)
- 7.5 Botsofe fa bo tsene bo tlisa tshwanologo le go sa iketlang mo mebeleng ya bagodi.
(Dikarabo tsa batlhatlhojwa tse di nepagetseng di elwe tlhoko.) (2)
[10]

POTSO 8: DIPOTSO TSE DIKHUTSHWANE

'MENOMASWEU POLAYA E TSHEGA' – FS Khunou

- 8.1 Bolwetse jo bo bolayang batho bo sa bontshe. (2)
- 8.2 Maikutlo a kutlobotlhoko – Ka ntlha ya selo se se bolaileng ntsalaa mmoki. (2)
- 8.3 Tshwantshiso - gore mmuisi a tlhaloganye bonolo ka go tshwantshanya dilo tse pedi go utlwatsa bogale jwa menomasweu a a go bolayang a tshega nao. (2)
- 8.4 Pheteletso - go tlhalosa bontsintsi jo bo neng bo tlide go fitlha ntsalagwe. (2)
- 8.5 Go itlhokomela kgatlhanong le selo se se bolayang batho se sa bontshe.
(Dikarabo tsa batlhatlhojwa tse di nepagetseng di elwe tlhoko.) (2)
[10]

POKO E E SA TLHAOLWANG

POTSO 9: DIPOTSO TSE DIKHUTSHWANE

'MOTHO' – A Mogorosi le ba bangwe

- 9.1 Go tlhoka botshepegi le nnete ga motho. (2)
- 9.2 Maikutlo a kutlobotlhoko – ka ntlha ya bonkgate ke tlhaname jwa motho/
Motho ga a tshepagale, ga a itsiwe e se naga. (2)
- 9.3 Neeletsano - go golaganya mela e mebedi ntle le go dirisa lekopanyi. (2)
- 9.4 Tshwantshanyo – Go tshwantshanya dilo tse pedi tse di tshwanang ka bokao jaaka ba tshwantshanya mokgwa o ba itayang ka ona le wa sethunya. (2)
- 9.5 Motho ga a itsiwe e se naga/motho o fetogafetoga bonolo/ga a ikanyege.
(Dikarabo tsa batlhatlhojwa tse di nepagetseng di elwe tlhoko.) (2)
[10]

PALOGOTLHE YA KAROLO YA A: **30**

KAROLO YA B: PADI

POTSO 10: POTSO YA TLHAMO

ELA TLHOKO: Mo tlhamong ya motlhatlhobjwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tiro ya motlhatlhobjwa.

LEBA SEIPONE – K Kgatse

- Poloto ya Leba Seipone e simolola fa Motswagauteng a romelwa jaaka sephuthelwana kwa Motsitlane ka gore e ne e le moila gore mothomosweu a nne le ngwana le mothomontsho. Gokatweng o ne a tshaba gore mosadi wa ga *Jankie* a ka bolawa ke pelo fa a ka utlwa gore monna wa gagwe o na le ngwana le Gokatweng, ka a ne a tshwerwe ke bolwetse jwa pelo.
- Kwa Motsitlane, Motswagauteng o godisiwa ke Puso le Ijelele ka gore e le ngwana wa morwadiabona, Gokatweng. Puso o tshwaela Motswagauteng bontlhahngwe jwa leruo la gagwe ka a ne a le tlhokomela ka go le disa.
- Mosala, malomaagwe Motswagauteng o a mo sotla le go mo tseela leruo le a le tshwaetsweng ke Puso, a kaya fa e le ena mojaboswa.
- Motswagauteng o utlwalelwa ke pogiso ya ga Mosala, mme se se etegediwa ke go timela ga Mmadinakana. Mosala o teketa Motswagauteng le go mo leleka gore a se ka a boela gae a sa bona Mmadinakana.
- Ga a bone podi, mme o inaya naga, go katoga pogiso le tshotlo ya ga Mosala.
- Serame se a mo wela le tlala e a mo utlwalela, mme o feleletsa a idibetse. Fa a thanya o iphitlhela a le kwa ga Mokwepa yo o tumileng ka go retla batho.
- Mosadi yo o laetsweng go tlhokomela Motswagauteng o lemoga ka go itlhalosa ga ga gagwe gore ke ngwana wa gagwe.
- O mo rwesa keetane mo thamong go mo lemosa ka kgolagano ya gagwe le batsadi ba gagwe.
- O falodisa Motswagauteng ka mojako wa sephiri gonu a sa batle ngwana wa gagwe a retlwa.
- Motswagauteng o goroga kwa Foreiborogo kwa a itsalanyang le Kabo morago ga go lemoga gore basimane ba bagolo ba a mo dipisa fa a tshwanetse go pegela batho dithoto.
- Motswagauteng o bontsha mapodisi tsotsi e e phamoletseng mosadimogolo wa mosweu sekgwama, mme batho ba Foreiborogo ba tlhasela le go teketa Motswagauteng ba re o itira mpimpi ya mapodisi.
- O amogelwa kwa bookelong botshelo jwa gagwe bo tshwere ka tlhale, mme fa a nna botoka o tshwenngwa ke go bowabowa ga lepodisa le a le boneng kwa ga Mokwepa. Motswagauteng o a ngweega, go katoga bookelo ka bonako.
- Kwa Gauteng, Motswagauteng o tshaba kwa ga *Alberto le Salamina* ka a bone *Salamina* a mmeola, mme a rekisetsa Sedupe moriri wa gagwe.
- O reka motšhini o a o dirisetsang go beola meriri ya Matata a a neng a a atswa ka sengwenyana fa a setse a tswa go rekisa meriri ya ona.
- Motswagauteng o tshaba mo Johanesborogo le go leba Rodipoto morago ga go kopana le mosadi wa montsho a tsamaya le ngwana wa mosimane yo o tshwanang nae.

- Moeka o wela tsela go leba ntlheng ya Rodipoto ka a sia boAlberto. O tsena sekolo sa bosigo le go falola ka dinaledi ka ntlha ya thotloetso go tswa go Sepoko.
- Babegadikgang ba batla Motswagauteng jaaka sepele morago ga go falola ga gagwe, mme moeka o phuthaphutha di tsa gagwe le go tswa ka Rodipoto.
- O goroga mo Keriisetoropo, mme o kopana le mosadi yo tsotsi e neng ya mo phamolela sekgwama. *Kobbie Swanepoel* o lemoga fa *Rasta* e le Motswagauteng, ngwana wa ga Gokatweng, yo a sa bolong go mmatla.
- Mmasepanapodi le Motswagauteng ba leba Foreiborogo kwa a tseelwang pasa ka sefane sa *Swanepoel* gore a tle a kgone go amogelwa kwa sekolosegolo sa Foreiborogo.
- Kwa sekolong, mosimane yo mongwe o kgoromeletsa Motswagauteng mo go *Sarkie*. Se, se tsosa ntwa e e matlhomahibidu magareng ga basimane ba basweu le ba bantsho.
- Mokwepa le lekoko la gagwe ba a tshwarwa, mme ba a seka. Gokatweng e nna paki ya mmuso.
- Kwa kgotlatshekelo Motswagauteng o itse mmaagwe lwa ntlha mo botshelong jwa gagwe.

[25]

KGOTSA

POTSO 11: DIPOTSO TSE DIKHUTSHWANE

LEBA SEIPONE – K Kgatea

- 11.1 Motsitlane. (1)
- 11.2 Gokatweng le *Jankie*. (2)
- 11.3 Ka gonne o ne a se na fa a ka se bayang gona ka a ne a se na legae. (2)
- 11.4 Se thusitse Motswagauteng go kcona go lebagana le dikgwetlho tsa botshelo, o ne a ikamogela le go rata motho yo a mmonang mo seiponeng, gonne go se ope yo o mo gaisang.
(Dikarabo tsa batlhatlhojwa tse di nepagetseng di elwe tlhoko.) (2)
- 11.5 Mosala o ne a teketa Motswagauteng morago ga go timela ga Mmadinakana. (2)
- 11.6 Thuto ya ga Ijelele e thibetse Motswagauteng gore a se ka a ipolaya, le go mo tiisa gore a rate botshelo le go itsaya jaaka a ntse gonne a sa batle go ipona a poka.
(Dikarabo tsa batlhatlhojwa tse di nepagetseng di elwe tlhoko.) (2)
- 11.7 Ditiragalo tsa padi di ka bo di phuthame/gongwe ditiragalo di ne di ka tsaya letlhakore le lengwe. (2)
- 11.8 Motho yo moleele.
Dimpa tse di legaba. (2)
- 11.9 O lemoga fa botshelo jwa gagwe bo le mo kotsing, a tlile go dirwa leswalo.
O ne a lemoga fa a ka dira kgwebo ka meriri ya gagwe/ya batho ba ba tshwanang nae. (4)

- 11.10 Go ne ga sala go le gonne gore pelo ya ga Motswagauteng e eme, mme a thubega ka selelo jaaka mosadimogolo ljelele a mo rutile. (2)
- 11.11 Ke ne ke ka tlogela tiro ka ya go batla tiro gosele/ke ne ke ka itsise mosadi wa gagwe.
(Dikarabo tsa batlhatlhjwa tse di nepagetseng di elwe tlhoko.) (2)
- 11.12 Ke mosekaphofu ya gaabo yo o sa tshabeng go swa lenseswe/manong a ja ka ditshika/seboba re bata sa mokwatla sa mpa re a mpampetsa.
(Dikarabo tsa batlhatlhjwa tse di nepagetseng di elwe tlhoko.) [25]

KGOTSA

POTSO 12: POTSO YA TLHAMO

OMPHILE UMPIH MODISE – DPS Monyaise

- Poloto ya Omphile Umphi Modise e simolola ka lefufa le le neng la tsalega gareng ga Motlalepule le basetsana ba ba neng ba dira le ena kwa femeng ya mesese mo *Dornfontein* ka ntlha ya fa a ne a se na mokaulengwe, mme moso le moso a phakelela tirong, maitseboa a mangwe le a mangwe a boela gae.
- Go tswa kwa *Dornfontein* Motlalepule o wela mo seraing se sengwe. Thandi o fufegela Motlalepule ka ntlha ya bontle jwa gagwe, mme o mo logela leano.
- Ka matlhajana, Thandi o laletsa Motlalepule mo phaposing ya gagwe, lebaka e le gore o a itse gore go na le lekau la tedu tsa katse le a le rulagantseng.
- Thandi o naya Motlalepule mogodungwana o o nang le seritibatsi se se robatsang gore lekau la tedu tsa katse le kgone go itirela boithatelo ka ena go sena matsapa ape.
- Ka ntlha ya thulaganyo e ya ga Thandi, Motlalepule o feleletsa a imile ka mokgwa o o sa tlhaloganyegeng morago ga tiragalo ya letsatsi leo. Motlalepule o belega ngwana wa mosimane, mme o mo naya leina la Omphile go kaya gore o mo filwe ke Modimo.
- Ka ntlha ya go tlhoka le go boifa go ya go tlhabisa batsadi ditlhong ka lesea le a le tshotseng, o tsaya tshwetso ya go isa Omphile kwa Olanti, kwa kgodisetsong. Maikaelelo e le go tlaa bowa a tla go tsaya Omphile fa dilo tsotlhhe di siame.
- Motlalepule o kopana le lekau la Thabantsho le a feleletsang a dumetse gore le mo nyale ka gore le mo lebaditse mahutsana nakonyana. Ba tshegofatswa ka ngwana wa mosetsana, mme ba mmitsa Mosidi, ka jalo Motlalepule a bidiwa MmaMosidi.
- Go nna teng ga ga Mosidi ga go robatse MmaMosidi, go dira gore a se lebale morwae.
- Motlalepule o simolola go ratharatha ka pelo ka ntlha ya gore a ipotsa gore a a itsise monna ka ga Omphile, mme go nne thata.
- O tsena monna ka leano la gore ba ipatlele ngwana wa mosimane kwa Ikageleng, maikaelelo e le gore a tle a tlhophe Omphile fa ba ile gona, mme monna a se ka a gana.
- Kwa Ikageleng a se ka a bona se a neng a se tlogetse koo, ka ntlha ya gore Omphile o ne a itseetswe ke morwadie monnamogolo Ofentse kwa Matile ka rrangwe a sa bolo go lela ka modisa.

- Mo go batleng Omphile, Motlalepule o kopana le mosadimogolo Malebela yo a mo fang tsholofelo ya gore o tlaa bona se a se batlang le fa a se kitla a itse gore ke sona.
- Letsatsi lengwe fa Motlalepule a ile Matile, o bona mosimane mongwe a tshwana le morwae mo basimaneng ba ba neng ba tshameka motshameko wa lefetlho, a mo gopotsa Omphile. Se, se dira gore Motlalepule a se itlhoboge, mme a batlele pele.
- Motlalepule o setse a sotlegile le go otlhega thata ka ntlha ya go batla, e bile o aga a setswe a idibetse mo tseleng.
- Modise le mogatse, Matlakala, ba ya go tlhola Motlalepule ka ntlha ya gore a ne a na le kgolagano le lekgotla la Baitiredi ka mokgwa mongwe.
- Mosadimogolo o mo keleka sentle lebaka e le gore a letse a mo lora. A mo tlhokomela sentle mo morago ga tsebe fa Modise a mo atametse, mme a lemoga gore ke ena Omphile yo o sa leng a pholetha le naga a mmatla.
- Ka ntlha ya boitumelo le kutlobothhoko, Motlalepule o thula botala ka tlhogo, mme o tlogela lekwalo le le senolang masaitseweng a gagwe.

[25]

KGOTSA

POTSO 13: DIPOTSO TSE DIKHUTSHWANE

OMPHILE UMPHI MODISE – DPS Monyaise

- 13.1 Omphile Umphi Modise. (1)
- 13.2 Matlakala. (1)
- 13.3 O gopola mokapelo wa gagwe yo a neng a na le ena maabane. (2)
- 13.4 Ditiragalo tsa padi di ka bo di phuthame/gongwe ditiragalo di ne di ka tsaya letlhakore le lengwe. (2)
- 13.5 Le tlhokomela le go godisa Omphile sentle, go fitlha a tsewa ke monnamogolo Ofentse go tsweledisa pele morero wa padi. (2)
- 13.6 Mosetsana yo mosetlhana, wa maratagolejwa.
Motho wa go katoga monyo, sekgathhabadimo.
Matlho e kete a kgomo ya mmofu e jele teledimo.
Matlho a go phatsimela teng e kete a geletse dikeledi.
Motho wa dipounama tse di matlerebunya.
Matshweka.
(Di le THARO fela.) (3)
- 13.7 Motlalepule a ka bo a boleletse mooki gore o batla mang gore a bone thuso ka ga Omphile/a ka bo a kopile mooki go lebelela mo dibukeng gore Omphile o abetswe mang, mme a mo latela koo.
(Dikarabo tsa batlhatlhajo wa tse di nepagetseng di elwe tlhoko.) (2)
- 13.8 Go nna lefufa le bosetlhogo ga gagwe mo go Motlalepule go tlhola go beteletwa ga ga Motlalepule ke lekau la tedu tsa katse gore ditiragalo tsa padi di tswelele pele.
(Dikarabo tsa batlhatlhajo wa tse di nepagetseng di elwe tlhoko.) (2)

- 13.9 Ga a ka a utlwelela se ditshikare tsa gagwe di se mmolelelang fa a lebile mogorogoro wa dikamore tsa basetsana.
O tsene mo kamoreng ya ga Thandi a sa utlwane le ena, a bo a nwa mogodungwana a ntse a o utlwa o se monate, o na le monkgo o o bodilanyana. (4)
- 13.10 Ee - ke ne ke ka se hupa ka poifo ya gore fa nka se ntsha monna a ka ntlhala. Nnyaya - ke ne ke ka se se hupe ka tsholofelo ya gore monna a ka nthusa go batla morwa wa rona ka e bile re se na ngwana wa mosimane.
(Dikarabo tsa batlhatlhojwa tse di nepagetseng di elwe tlhoko.) (2)
- 13.11 Ke ne ke ka bua boammaaruri gore go tlile jang le go kopa boitshwarelo/ke ne ke ka inaya naga le go tlholo ke sa le beye mo sekolong seo.
(Dikarabo tsa batlhatlhojwa tse di nepagetseng di elwe tlhoko.) (2)
- 13.12 Le pelong ga le tshetse/sephiri se a bolaya.
(Dikarabo tsa batlhatlhojwa tse di nepagetseng di elwe tlhoko.) (2)
- [25]**

KGOTSA

POTSO 14: POTSO YA TLHAMO

MASEGO – G Mokae

- Poloto ya Masego e simolola fa Selamolela le Kgotle ba ya go kopa gore Masego a ye go tsena sekolo kwa Sedimosang, ka ntlha ya fa a ne a le botlhale, mme ba ne ba batla go tsholetsa serodumo sa sekolo sa bona.
- Kgabo Motsepe o dumelane le bona ka a ne a batla gore ngwana wa gagwe a nne le isago e e phatsimang.
- Kwa sekolong o ne a fufegelwa ke barutwana ba bangwe ka a ne a ba gaisa ka botlhale mo phaposing.
- Tlotlomatso ya barutabana le yona e okeditse letlhoo leo ka a ne a araba dipotso sentle. Barutwana ba ne ba mo kgoba ka mafoko, mme ba mmitsa *tšheri* ya ga Tšhanki.
- Mo loetong lwa sekolo *Sannah* o mo raela go nwa bojalwa, ka ntlha ya se, o feleletsa a beteletswe.
- Se, se ne sa lebisa kwa go ithwaleng ga ga Masego ka ntlha ya go robiwa leoto ke Ntsime.
- Ntsime o ne a batla go dira Masego swele ka gonne a sa batle go ratana nae, e bile a gakgamadiwa ke gore Masego ke mang ena, ka ena Ntsime go se lekgarebe le le mo ganang.
- Mogokgo wa sekolo sa Sedimosang o patelesega go busetsa Masego gae ka ntlha ya go ima.
- Rraagwe Masego o galefa thata ka lebaka la go ima ga ga Masego, mme morago ga gore mogokgo a tsamaye, o ne a teketa Masego mo go maswe.
- Masego le morwae yo o neng a mo imile ba ne ba le fa gare ga loso le botshelo ka ntlha ya kgatelelo ya madi le dikgobalo tse a neng a itemogela tsona morago ga go teketwa ke rraagwe.

- Masego o ne a tokafala mo go gakgamatsang, mme ka jalo a falola go tsenela karo e e masisi e e neng e mo lebane.
- Gape o ne a tshwanelwa ke go bona ngaka kgapetsakgapetsa ka ntlha ya pholo ya gagwe.
- Masego o ne a sotlega thata ka ntlha ya gore o ne a tshwanetse go tsoga mo mosong go le tsididi, e bile a patelesega go tsamaya mo lefifing go tshwara setimela se se yang kwa tirong, maithlomo e le go direla morwae.
- O ne a tshwanelwa ke go ralala motse o o kotsi wa Lakasanta, lebaka e le go isa molaetsa o o neng o tswa kwa go mongwagwe go ya go *Vusi Mngoma*.
- Masego o ne a iphitlhela a le gareng ga dinaka tsa kukama ka ntlha ya maemo a dipolotiki tsa ba ga *Lazar* le *Vusi Mngoma*.
- Se, se ne sa dira gore mapodisi a mo tshware le go mmotsolotsa dipotso.
- O tlhokile lesego ka ntlha ya go latlhelogwa ke batho botlhe ba a neng a ba rata ka ntlha ya dipolotiki.
- Rraagwe, Kgabo Motsepe, o ne a bolawa ka go kgwagediwa ka ntlha ya fa a ne a bolaile mosweu. Monna wa gagwe e bong *Vusi Mngoma* le ena o ne a bolawa ka ntlha ya dipolotiki.
- Mosadi wa ntlha wa ga *Vusi Mngoma* o ne a mo kgoba ka mafoko ka kgopoloy a gore dithata tsa ga mogatse di tlie go jewa ke ena, mme ena a di abela bana ba ga *Vusi Mngoma*.

[25]

KGOTSA**POTSO 15: DIPOTSO TSE DIKHUTSHWANE****MASEGO – G Mokae**

- 15.1 Goabaone le Kgabo Motsepe. (2)
- 15.2 *Ba ga Lazar.* (1)
- 15.3 Ba ne ba siame thata mo go Masego le Sello, e bile ba ne ba tlogelela Sello madi a go ithutela pele, pele ba fudugela moseja. (2)
- 15.4 Go dira mo ditshingwaneng tsa maburu go oketsa madinyana a gagwe fa badiri ba bangwe ba ya go itapolosa.
Go apara makgasa a a rokilweng gantsi fela gore molekane wa gagwe le bana ba apare sentle. (4)
- 15.5 Motho yo o pelontle, motho yo o bonolo. (2)
- 15.6 Ditiragalo tsa padi di ka bo di phuthame/gongwe ditiragalo di ne di ka tsaya letlhakore le lengwe. (2)
- 15.7 O ne a thusa Masego ka go mmatlela tiro. (2)
- 15.8 O ne a na le mmele o mosesane o o tshwaregileng sentle.
O ne a le mosetlhana ka mmala. (2)
- 15.9 O ne a simolola go sotla le go gatelela badiredi ba gagwe fa a tsofala. (2)

- 15.10 Ee - ka gore o ne a dirile tumalano le base *Schalk* gore a tlamele lesea la ga *Lizbeth*.
 Nnyaya - ka gore o ne a lettelela base *Schalk* go koba *Lizbeth* mo polaseng.
 (Dikarabo tsa batlhatlhobjwa tse di nepagetseng di elwe tlhoko.) (2)
- 15.11 Ke ne ke ka kopa go lemolola mpa eo ka gore molao o a lettelela fa o beteletswe/ke ne ke ka amogela/ke ne ke ka kopa go tlhatlhobiwa gore a ga ke a tsenwa ke malwetse a thobalano.
 (Dikarabo tsa batlhatlhobjwa tse di nepagetseng di elwe tlhoko.) (2)
- 15.12 Mosekaphofu ya gaabo ga a tshabe go swa lentswe/Korwe ga ke je ke bapalela tsetse.
 (Dikarabo tsa batlhatlhobjwa tse di nepagetseng di elwe tlhoko.) (2)
- [25]**

KGOTSA**POTSO 16: POTSO YA TLHAMO*****NTLHOMOLE MMUTLWA – OM Lobelo***

- Poloto ya Ntlhomole Mmutlwya e thankgologa fa Kgori, rraagwe Matsetseleko a batla gore morwae a nne mojaboswa wa tiro ya gagwe ya go gotsa molelo wa kgotla kwa kgosing.
- Se, se tlisiwa ke gore Kgori o ne a tlwaetse go ya le Matsetseleko kwa kgosing, a setse a mo rutile magokonyane a go gotsa molelo wa kgotla, e bile moeka a tle a tshwarelele rraagwe fa a akgilwe ke ditshwarego tse dingwe tsa lelapa.
- Matsetseleko o bona maikaelelo a ga rraagwe a thulana le go kgapela kwa thoko dikeletso tsa ditoro tsa gagwe tsa go atlega ga gagwe mo botshelong.
- Kgori o tshedisetsa Matsetseleko le Kelogile ka fa tlase ga molao wa tshipi gore lefoko ke la gagwe fela.
- Kgodiso e e makgwakgwya ya ga Kgori e dira gore Matsetseleko a tseye tshwetso ya go ngweega mo gae, go ya go tsweletsa maikelelo a gagwe a go atlega, kgakala le legae.
- O amogelwa ka diatla tsoopedi ke Segonyamatlho yo o mmulelang pelo le ntlo ya gagwe le go mo neela sebaka sa go ikakanyetsa a ntse a thibeletse fa ga gagwe.
- Matsetseleko o tswelela go thusa mo lebenkeleng la ga Segonyamatlho ka maikaelelo a go batla tiro le go ithutela pele.
- Matsetseleko o feleletsa a bone tiro kwa meepong, a bo a tlhatlosiwa kwa tirong le go nna mongwe wa bagolwane ba meepo, fela ga a itumele mo moweng ka ntlha ya go sa robalelwae ke ditlhokwa ka rraagwe a tlhokafetse a bo a bolokwa a ntse a seyo.
- Kwa gae Matsetseleko o a batliwa, mme *Bra Boots* o a tsielega le go sa mo lemoge ka ntlha ya fa a setse a fetogile, a nonne e bile a le ditetswana.
- Go ya go tlholo batsadi ba ga Morongwa ga ga Segonyamatlho, go fa Matsetseleko tshono ya go kopana le Palesa fa ba tlide dikgaisanong tsa mmino, mme o mo netefaletsa gore ba tlaa kgaoganngwa ke loso.
- Palesa o feta a bolelela Kgosi Kgololo gore Matsetseleko o eletsa go boela gae, fela o boifa rraagwe le banna ba lekgotla.

- Kgosи Kgololo ga a kgone go ya moletlong wa boPalesa ka ntlha ya fa o thulana le letsatsi le legolo la kopano ya dikgosi kwa Tswaing mabapi le lenaneo la go tsenya legora la dikampa tsa motse go thibela diphologolo go senya masimo.
- Kgosи Kgololo o roma Baagileng go mo ela, mme ena ga a itsise Mmathapelo gore o ya go emela kgosi kwa moletlong wa boPalesa.
- *Bra Boots* ga a ithoboge, mme o tswelela pele ka letsholo la go batla Matsetseleko ka ntlha ya fa a sa batle go palelwa ke sepe.
- Letsapa le tlala di tshwara *Bra Boots* gore a tle a fapogele fa mapotokising, mme o wela mo diatleng tsa dinokwane tse di mo gobatsang le go mo tseela sejanaga.
- Go sa ye tirong ga ga Matsetseleko ka sejanaga go dira gore a welwe ke madimabe a go tsewa ke dinokwane tse di gobaditseng *Bra Boots*.
- Matsetseleko o a tshwarwa fa dinokwane tsona di balelwа le badimo, mme Segonyamatlhо ka ntlha ya go mo itse, o gana nnang wa banyana gore ga a na molato.
- Segonyamatlhо o dira tsotilhe go golaganya Matsetseleko le bagaabo fa a sena go gololwa.
- Matsetseleko o boela gae ka maikaelelo a go tsweletsa motse le morafe wa gaabo pele ka ntlha ya dithuto tse a tswang go di ithutela kwa meepong.
- O tsamaya le mmaagwe go ya kwa mabitleng gore mmaagwe a kgone go mo tlhomola mmutlwа o sa leng a tsamaya ka ona o mo tlhabile.
- Mmaagwe o mmolelela gore a boele gae go tla go tsweletsa pele ditoro le maikaelelo a gagwe, ka gonе mothо yo o neng a mo kgoreletsa go diragatsa maikaelelo a gagwe, a sa tlhole a le teng.
- Kgosи Kgololo o itsise Matsetseleko ka maikaelelo a morafe a go aga ditsela, motlakase, dipompo tsa metsi le megalа ya tlhaeletsano mo motseng wa bona, ka ntlha ya fa a itse fa Matsetseleko a rata go bona tswelelopele ya morafe.
- Motse wa Phiritshweu o bona ditlhabololo ka ntlha ya ga Matsetseleko le Kukama. Kwa bofelong Kgosи Kgololo o mo abela go nna Kgosи ka fa a ne a sena ngwana wa mosimane e bile a nyetse morwadie.

[25]

KGOTSA

POTSO 17: DIPOTSO TSE DIKHUTSHWANE

NTLHOMOLE MMUTLWA – OM Lobelo

- | | | |
|------|--|-----|
| 17.1 | Tshetlhо. | (1) |
| 17.2 | Masedi. | (1) |
| 17.3 | Motse wa Phiritshweu. | (1) |
| 17.4 | Segonyamatlhо o ne a amogela Matsetseleko kwa ga gagwe, a mo tshegetsa le go mmetlela isago e e phatsimang. | (2) |
| 17.5 | Letlhа la moletlo wa boPalesa le thulana le letsatsi le legolo la kopano ya dikgosi kwa Tswaing mabapi le lenaneo la go tsenya legora la dikampa tsa motse go thibela diphologolo go senya masimo. | (2) |

- 17.6 Thobalano e e sa sireletsegang.
 Balekane ba bantsi.
 Go ima pele ga nako.
 Go ipolaya ka ntlha ya go tsiediwa mo leratong.
 (Di le PEDI fela.) (4)
- 17.7 Ke ka ntlha ya gore Kgosi o ne a se na ngwana wa mosimane, mme Matsetseleko o ne a nyetse Palesa. (2)
- 17.8 Ditiragalo tsa padi di ka bo di phuthame/gongwe ditiragalo di ne di ka tsaya letlhakore le lengwe. (2)
- 17.9 Dimpa tse dikgolo bobe.
 Dikhularo tse di boitshegang.
 Sefatlhego se se solegileng sentle, se se setlhana.
 (Di le PEDI fela.) (2)
- 17.10 Go nna tlotlo mo go Kgori go lettelela Kgori go pateletsa Matsetseleko go nna mogotsamolelo, mme se se dira gore a ngweege go lettelela morero wa padi go tswelela pele. (2)
- 17.11 Nyaya - o ngweegetse Mmathapelo le go sa mo itsise fa a ya moletlong wa boPalesa/o a itse gore Palesa le Mmathapelo ke ditsala, mme fa a goroga kwa Tshwane ga a itsise Palesa ka seo, go supa fa a se na lerato la nneta.
 (Dikarabo tsa batlhatlhojwa tse di nepagetseng di elwe tlhoko.) (2)
- 17.12 Ke ne ke ka kopa balosika go tla go mo tlhalosetsa ka ga maikaelelo a me.
 (Dikarabo tsa batlhatlhojwa tse di nepagetseng di elwe tlhoko.) (2)
- 17.13 Go tshepana ga batho go ka tokafatsa matshelo/ga se ka nako tsotlhe batho ba leng bosula, go na le batho ba ba ikanyegang, ba ba ratang go tshologa ba bangwe mokgosi, go bona ba bangwe ba tswelela pele.
 (Dikarabo tsa batlhatlhojwa tse di nepagetseng di elwe tlhoko.) (2)
- [25]

POTSO 18: POTSO YA TLHAMO

DITLHANGWA TSA SETSO – G Leeuw le ba bangwe

ELA TLHOKO: Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tiro ya motlhatlhojwa.

'TLHOLEGO YA MORAFE WA BATLHAPING' – CL Thobega 'BATLHAPING BA KGOTLA OORRAMAIDI ' – PC Mooa

- Naane le leboko di tlhalosa ka morafe wa Batlhaping go senola gore ke batho ba le bangwe fela.
- Mo lebokong, pharologano ke gore morafe wa Batlhaping o itlhagisa o le wa Kgotsa yoorrMaidi. E le bana ba ga Maidi-a-kgatsele, ba ga Mothibi le Maidi.

- Naane e tlhagisa Barolong ba ga Kgosi Mamae, ba ka ntlha ya botshwakga jwa ga Phuduhudu, yo o neng a tseelwa boswa jwa nkwe ke Phuduhutswana, mme a nna Kgosi ya Batlhaping.
- Batlhaping ba ba tlhagelelang ba, ke Barolong ba ba fotogetseng go nna Batlhaping ka ntlha ya kgaogano e e nnileng teng.
- Go ka kaya gore Batlhaping ba ga Phuduhutswana ke bona Batlhaping ba Kgotsa yoorraMaidi ka ba ne ba ya go nna gaufi le Noka e Tshetlha.
- Fa ba le koo ke fa ba ikaya e le beng ba Noka e Tshetlha.
- Ka jalo ke batho ba le bangwe ka gore naane le leboko di tlhagisa fa boobabedi ba ne ba nna kwa Nokeng e Tshetlha, e bile ba ana tlhapi.
- Fa Batlhaping ba ga Phuduhutswana ba le kwa Nokeng e Tshetlha, Tau, Kgosi ya Barolong, mogolowabona a ba lopa go boela maropeng, mme Phuduhutswana le morafe ba boela kwa Taung ka pilediwa e lwelwa.
- Phuduhutswana ka botlhajana, a belaela lemepe gore ga go ne go nna le kagiso, mme ka maano a sa site, a itira yo o sa utlweng, mme a utlwa fela fa go goiwa.
- Le bana ba ga Phuduhutswana ba totobaletsa batho gore rraabona ga a utlwe, o utlwa fela fa go goiwa.
- Kwa kgotsa Barolong ba ga Tau ba seba ka Batlhaping gore ke dirukhutlhi tse di ganang go utlwa, tse di tshwanetseng go kabololwa ditsebe. Ba ikaelela go ba dika bosigo le go ba tlhasela.
- Ka ntlha ya go itira yo o sa utlweng, Phuduhutswana a bo a ba utlwile, mme ka kwa gaaboboi go sa lelwile, a bolelela bana ba gagwe gore ba ineye naga, ba tshabe.
- Ba ga Tau fa ba re ba tlide go ba tlhasela, ba fitlhela ba ineile naga, mme ba ba tsaya ka motlhala le go ba fitlhela mo dikgageng tsa motse wa Kolong, ba nna le Barwa le Bakgothu.
- Ka e sa latelelwile mosimeng, Batlhaping ba ne ba phatlhalatsa ba ga Tau, ba boela kwa Taung le go gapa motse wa Taung morago ga go leleka morafe wa Barolong.
- Ka jalo, Tlholego ya morafe wa Batlhaping le Batlhaping ba Kgotsa yoorraMaidi ke morafe o le mongwe o o tlholegileng mo kgaoganong ya Barolong fa Phuduhutswana a tsaya bogosi ka ntlha ya botshwakga jwa ga Phuduhudu.
- Ke Barolong-Bathaping ba go tlhapa ka lebese, ba iphorola ka tlhoa metsi a le teng, ke batho ba le bangwe.

[25]

POTSO 19: DIPOTSO TSE DIKHUTSHWANE**DITLHANGWA TSA SETSO – GS Leeuw le ba bangwe****NAANE: 'TLHOLEGO YA BAKGATLA BA GA KGAFELA' – CLS Thobega**

- 19.1 Ka puso ya ga Kgafela. (1)
- 19.2 Setshaba se se thata mo dintweng. (2)
- 19.3 E ne e le gofejane, mme o ne a na le bomogoloe ba bogosi bo neng bo ba lebane. (2)

- 19.4 Ke moipolai yo o sa lelelweng/Maraganateng a bana ba mpa ga a tsenwe/
kgori e bona lee lerapo ga e le bone.
(Dikarabo tsa batlhatlhojwa tse di nepagetseng di elwe tlhoko.) (2)
- 19.5 Ba ne ba tshaba go tshwenngwa ke Maburu.
Kgolagano ya Bakgatla le Bakwena ka ba kile ba namolela Bakwena mo
Bangwaketseng. (2)
- 19.6 Dintwa tsa go lwela bogosi. (2)
- 19.7 Bana ba tshipa ba tsaya mmila o le mongwe fa ba kgaogana ke dira tsa
megotlha/morafe wa Bakgatla o ne o faraferwe ke dintwa tsa bogosi tse di o
phatlhaladitseng.
(Dikarabo tsa batlhatlhojwa tse di nepagetseng di elwe tlhoko.) (2)

LE**LEBOKO: 'KGOSI MODISAKGOMO MOLELEKWA MABE' – FM Lesele**

- 19.8 E gatelela le go godisa semelo sa ga Kgosi Mabe gore le fa a le monnye ka
seemo, fela ka semelo o a tlotlega le go boitshega. (2)
- 19.9 Maikutlo a boitumelo ka a tlotlomatsa Kgosi Modisakgomo Molelekwa Mabe. (2)
- 19.10 O tshwana le tau le nkwe.
O kana ka ntsi ya mooka/O kana ka leukotsane.
O kana ka boa jwa kgomo garataro.
(E le NNGWE fela.) (2)
- 19.11 Poapoeletso ya mafoko a a tshwanang ka bokao - go gatelela ka moo basadi
ba neng ba tshaba Kgosi Modisakgomo Molelekwa Mabe ka teng. (2)
- 19.12 Ga go tume di melala fela, le tse dinnye di a tuma/Motho le fa a le monnye ka
seemo o a tie a tlotliwe le go boifiwa ke batho ba bangwe.
(Dikarabo tsa batlhatlhojwa tse di nepagetseng di elwe tlhoko.) (2)

[25]**PALOGOTLHE YA KAROLO YA B:** **25**

KAROLO YA C: TERAMA**POTSO 20: POTSO YA TLHAMO****MATSAPA DI A TSAYA KAE? – SS Mokua**

ELA TLHOKO: Mo tlhamong ya motlhathlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhathlhojwa.

- Tlhagiso e e reng Tlhapi ke moipolai yo o sa lelelweng gonne dilo a di itirile ke nnete e e ka se ganediweng ka gope. O na le seabe mo lesong la ga mogatse e bong Legae gammogo le la ga morwadie e bong Ntshidi.
- Go okomela mo nkgong ga ga Tlhapi gammogo le kgodiso e e sa yeng ka tsela ya kwa gaabo ke tsona dilo tse di tlholetseng Legae leso.
- Legae o tlhokafala jaana ka ntlha ya kutlobotlhoko ya go diragatsa se go tweng kgomo e gapiwa le namane, mme morago ga go dira jalo, ngwana ga a mo tshwanela.
- Legae o tsaya maikarabelo otlhe a go tlamela Ntshidi le go mo rotloetsa go tsena sekolo go sa kgathalesege gore ke letlaleanya.
- O tsenya Ntshidi sekolo a le esi gonne mmaagwe a ne a tlhoka tiro. Lelapa le ne le ka lala ka tlala gore fela a nne le dilo tsa sekolo tse a di tlhokang.
- Morago ga go falola marematlou, Legae o bapa le setlhako fa fela a ka bona Ntshidi a tsweletse mo botshelong gonne a itse boswa jwa gompieno e le thuto, mme ka jalo a sa batle go bona morwadie a ja mantle a dithaka tsa gagwe.
- Leso la ga Legae le tlholega ka ntlha ya gore mo ngwageng wa ga Ntshidi wa bofelelo kwa Yunibesithing, o salela kwa morago ka dikgwedi di le tharo. Tlhapi, Ntshidi le rraagwe Tlhapi, ba lobela Legae kgang e ya go ima ga ga Ntshidi, mme ba e rera ka boraro jwa bona.
- Seno se supa go nna megagaru, go tlhoka ditebogo gammogo le maikarabelo ga ga Tlhapi, mme ke gona go tlholetseng Legae leso.
- Lekwalo la ga malomaagwe mosimane le goroga fa lapeng, maikaelelo e le go ntshetsa Ntshidi bogadi. Fa Legae a santse a re o tlaa bitsa bomalomaagwe Ntshidi go amogela bogadi boemong jwa bona, Tlhapi o kaya fa bogadi bo ya go tswela kwa Mmitolente kwa gaabo e bile bo tlaa tsewa ke rraagwe gonne Ntshidi e se ngwana wa gagwe.
- Kgodiso e e seng maleba ya kwa gaabo Tlhapi e na le seabe mo lesong la ga Legae. Rraagwe Tlhapi o dumelana jang le morwadie gore bogadi bo tswele kwa ga gagwe e bile e nne ena a bo tsayang ka a itse a nyadisitse morwadie.
- Lebaka le, e nna botlhoko ba ntho mo go Legae gonne a godisitse Ntshidi go tlogeng mo dingwageng di le tharo, mme a mo isa sekolong a le esi, mmaagwe a se na tiro le rraagwemogolo a se na seabe sepe mo dithutong tsa gagwe, mme fa bogadi bo tla go tswa, ga bo mo tshwanele.
- Legae ga a ka a ya kwa bogading jwa ga Ntshidi ka ntlha ya kutlobotlhoko le go tshaba matlho a batho, mme ka Mosupologo a ya tirong. A se ka a boela gae ka a ne a fitlhelwa kwa lefelong la baswi ka ntlha ya bothhoko jo bo neng bo mo aparetse.
- Ntshidi o bolawa ke mosetsana wa morwa mo seteišeneng sa *De Aar* fa a tla go boloka rraagwe. Ntshidi o otlhaiwa ka ntlha ya bokgopo jwa ga mmaagwe ka a tlhokile ditebogo, mme seno se senola fa Tlhapi e le moipolai yo o sa lelelweng.

[25]

KGOTSA

POTSO 21: DIPOTSO TSE DIKHUTSHWANE***MATSAPA DI A TSAYA KAE? – SS Mokua***

- 21.1 A- Mmatšatšhi.
C - Raesebo. (2)
- 21.2 Kgabele o tlhokafetse, mme batsadi ba gagwe ba batla a fitlhelwe kwa gaabo ntswa a nyetswe.
Raesebo o batla gore a fitlhelwe kwa setsheng sa bona gonne a mo nyetse.
Maithhomomagolo a go lwela setopo sa ga Kgabele ke ka ntlha ya fa ba kwa gaabo ba batla madi a inšorende. (3)
- 21.3 Ke motho yo o bosula/setlhogo/pelomaswe. (2)
- 21.4 Go tsweledisa pele morero ka go lettelela dithulaganyo tsotlhe tsa phitlho go dirwa go senola gore ruri mosadi ke wa ga Raesebo. (2)
- 21.5 Mmatšatšhi o ne a buisana le Monyana, mme ena a mo gakolola go dumelana le Raesebo gore Kgabele a bolokelwe kwa matikiring a bona ba tle ba dirise madi otlhe mo lekaseng. (2)
- 21.6 Ditiragalo tsa teramakhutshwe di ka bo di phutlhame/gongwe ditiragalo di ne di ka tsaya letlhakore le lengwe. (2)
- 21.7 O godisa kgotlhahang ka go ema mmaagwe nokeng kgatlhanong le Raesebo. (2)
- 21.8 Ee - ba kgonne ka ba sentse madi a diinšorende ka go reka lekase le le tlhotlhagodimo.
Nnyaya - Raesebo o ne a kgona go fitlha mogatse kwa matikiring a gagwe. (2)
- 21.9 Ke ne ke tlaa mo eletsa gore a tlogele bagolo go rarabolola mathata a ba lebaneng le ona. (2)
- 21.10 Ke ne ke tlaa mo tlhalosetsa gore ke mosadi wa me ka ke mo nyetse ka dikgomo le fa re ise re nyale ka moseso o mosweu.
(Dikarabo tsa batlhathlhojwa tse di nepagetseng di elwe tlhoko.) (2)
- 21.11 Ke ne ke tlaa mo itumelela gonne a na le nneta, mme a sa tseye letlhakore.
(Dikarabo tsa batlhathlhojwa tse di nepagetseng di elwe tlhoko.) (2)
- 21.12 Mosekaphofu ya gaabo ga a tshabe go swa lentswe/Selo fa e le sa gago, o tlaa dira sengwe le sengwe go se fitlhelela.
(Dikarabo tsa batlhathlhojwa tse di nepagetseng di elwe tlhoko.) (2)

[25]

POTSO 22: POTSO YA TLHAMO**GA SE LORATO – MJ Magasa**

ELA TLHOKO: Mo tlhamong ya motlhatlhojwa go tshwanetse ga akarediwa dintlha tse di fa tlase. Go tlaa dirisiwa ruboriki ya maduo a a kana ka 25 go tshwaya tlhamo ya motlhatlhojwa.

- Motsamai ke moipolai yo o sa lelelweng gonne dilo o di itirile. O na le seabe mo go latlhegweng ke madi a gagwe a phenšene gammogo le tshotlego e a neng a iphitlhela a le mo go yona.
- O ganne go tsaya dikgakololo tsa badirammogo nae e bong Gosekwang le Lenkapere fa ba ne ba mo gakolola gore a se ka a ratana le *Angeline* gonne a le monnye thata mo go ena.
- Motsamai o ne a bona fa badirammogo nae ba mo fufegela, e bile ba ipatlela *Angeline*, mme a ba itlhokomolosa.
- O senya dikoloi tsa tiro ka go tlhola a ile le *Angeline* kwa mafelong a go itumedisa gammogo le go mo tabogisa jaaka fa ba ne ba rulaganya lebaka la go mo agela ntlo.
- O agela *Angeline* ntlo ka madi a a a adimileng kwa *Long Holmes*, mme ntswa a paletswe ke go agela balelapa la gagwe ntlo ya mofuta oo. Fa ntlo e se na go fela o kobiwa ka baki e a tsileng ka yona.
- Motsamai o ne a itirile moretlwa wa tsela ntswa a na le mosadi le bana. O ne a lebetse gore nako ga e emele ope. Boemong jwa go tsaya maikarabelo jaaka rralapa ga a ka a dira jalo, mme a sotla lelapa la gagwe.
- O ne a lala digoba kwa kgarebeng e nngwe le e nngwe e a ratanang nayo, mme se, se mo tlholele mathata mo isagong.
- Motho o ithuta ka diphoso tsa gagwe, mme ena ga a ithute ka se *Angeline* a mo dirileng sona. O kopana le *Suzan* yo le ena a mo dirisang ka go mo rekela bene le go mo agela lebenkele. O tshameka ka madi a a a lomeletsang mosadi le bana ba gagwe, mme a fepa bana ba banna ba bangwe fa ba gagwe ba lala ka sego sa metsi e bile ba tlhoka le dilwana tsa sekolo.
- Boemong jwa go ithuta ka lobadi jaaka fa a ne a senyegetswe mo go *Angeline* le *Suzan*, o ratana gape le *Gladys*. O ne a sa somarele madi kgotsa go a dirisetsa balelapa la gagwe, mme a mo tlhabololele ntlo le go mo epela metsi. Mo a godileng teng o sala a se na sepe ka a tshamekile ka madi a o ka bong a a dirisitse go ipetlela nako ya bogodi.
- O fetoga go nna gopane ya moikapari ka gonne ga a ungwa sepe mo mading a diphenšene a a neng a tshwanela ke go duelela dikoloi tse a di thudisitseng fa a ne a ja mokaragana.
- Mo bogoding jwa gagwe o iphitlhela a latlhegetswe ke dilo tsotlhe. Mosadi le bana ba mo tlogela a ritlha mo ntlong ya gagwe ka a ne a taboga fa morago ga mesese. Fa a itharabologelwa, o lelela kgama le mogogoro, ka dilo a di itirile, mme go setse go le thari, e kete a ka busetsa nako kwa morago.

[25]

POTSO 23: DIPOTSO TSE DIKHUTSHWANE**GA SE LORATO – MJ Magasa**

- 23.1 Motsamai. (1)
- 23.2 Gadifele. (1)
- 23.3 Go senyegelwa kwa ga *Angeline*. Go sa tlameleng bana ba gagwe. Go fatela kwa morago ntswa ditsala tsa gagwe di gatela pele. (3)
- 23.4 Gadifele o ne a netefatsa gore bana ba gagwe ba lala ba jele. O ne a leka ka bojotlhe ba gagwe gore bana ba gagwe ba tsene sekolo. (2)
- 23.5 Go tlhoka maikarabelo/go nna matlhomantsi - go dira gore a tswelele pele ka go ratana kwa ntle go senola morero wa terama go supa gore ga se lorato. (2)
- 23.6 Morero o ne o tlile go phuthama ka gore ditiragalo ga di ne di tswelela pele jaaka go ne go sololetswe. (2)
- 23.7 Gadifele o ne a sa tlhole a rata Motsamai, ka ntlha ya go nna matlhomantsi ga gagwe, mme a iponela lekau e bong *Bra Dan*. (2)
- 23.8 Kefentse o inaganel a le esi- o ntse a dule mo lapeng, mme o sololetswe gore botshelo jwa batho ba bangwe bo se ka jwa tswelela, bo emele ena. (2)
Ga a na lerato la nnete - o tlogela mogatse mo lapeng, mme a inaya naga. (2)
- 23.9 Ke ne ke tlaa tsena mo nyalong gonre re sa abelwa ka go tshwana, go kgakgauthana ga batsadi ba me ga go reye gore ke tlaa sala tsela eo morago.
Ke ne ke se kitla ke tsena mo lenyalong gonre ke tshaba go tshela botshelo jo bo bokete jo mme a neng a bo tshela.
(Dikarabo tsa batlhatlhojwa tse di nepagetseng di elwe tlhoko.) (2)
- 23.10 Nnyaya - Motsamai ga a ithuta ka diphoso tsa gagwe gonre o ne a tsena gangwe le gape mo mathateng a a tshwanang/o boetse magaleng gararo.
(Dikarabo tsa batlhatlhojwa tse di nepagetseng di elwe tlhoko.) (2)
- 23.11 Nnyaya – Batsadi ba tshwanetse go tsaya maikarabelo mo kgodisong ya bana ba bona, mme ba se ba lomeletse ka e le bona ba ba tlisitseng mo lefatsheng.
(Dikarabo tsa batlhatlhojwa tse di nepagetseng di elwe tlhoko.) (2)
- 23.12 Ke ithutile gore batho fa ba sa tseye maikarabelo a bona ba tshwanetse go patelediwa go dira jalo.
(Dikarabo tsa batlhatlhojwa tse di nepagetseng di elwe tlhoko.) (2)
- [25]**

PALOGOTLHE YA KAROLO YA C: 25
PALOGOTLHE YA TLHATLHOBO: 80

KAROLO YA A: RUBORIKI YA TLHATLHOBO YA TLHAMO YA DIKWALO: POKO [10 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG	5–6	4	3	2	0–1
Thanolo ya setlhogo Ngangisano e e tseneletseng kathololo le go tlhaloganya setlhanga 6 MADUO	-Thanolo e e tseneletseng ya setlhogo -Motseletsele o o itumedisang wa dintlha tsa ngangisano, di tshegediwa ka botlalo go tswa mo lebokong -Go tlhaloganya setlhanga le leboko go go manontlholtlo	-O bontsha go tlhaloganya, gape o ranotse setlhogo sentle -Tsibogelo e e lekalekanang ya dintlha -Dintlha tse di utlwlang tsa ngangisano, fela ga se tsotlhe tse di tshegeditsweng jaaka go ne go tshwanetse -Go tlhalogannwa ga mofutakwalo le leboko	-Thanolo e e lekalekanang ya setlhogo -Go na le dintlha dingwe tse dintle tse di tshegetsang setlhogo -Dintlha dingwe tsa dingangisano di tshegeditswe, mme fela bosupi ga bo dumelesege ka metlha -Tlhaloganyo e e kwa tlase ya mofutakwalo le leboko	-Thanolo ya setlhogo e e sa kgotsofatseng -Ga go na dintlha dipetse di tshegetsang setlhogo -Tlhaloganyo e e tlhaelang ya mofutakwalo le leboko	-Setlhogo ga se a tlhalogannwa -Ga go na bosupi jwa go dirisa leboko -Morutwana ga a kcona go tlhaloganya mofutakwalo le leboko
KAGEGO LE PUO	4	3	2	1	0–1
Popego, kelelo e e tlhaloganyegang le tlhagiso Puo, segalo le setaele tse di dirisitsweng mo tlhamong 4 MADUO	-Popego e e lomaganeng -Dintlha tsa ngangisano di agegile sentle -Puo, segalo le setaele di supa kgolo, di a kgatlhiswa, di nepagetse -Gotlhelele ga e na diphoso tsa puo, mopeleto le matshwao a puiso	-Kagego e e tlhamaletseng le kelelo e e utlwlang ya ngangisano -Kelelo ya ntlha ya ngangisano e kcona go salwa morago -Bogolo puo, segalo le setaele di nepagetse	-Go na le bosupi jwa kagego -Tlhamo e tlhoka kelelo e e bopegileng sentle ya tlhaloganyo le tomagano -Diphoso tse dinnye tsa puo, segalo le setaele tse di nepagetse go le go ntsi	-Popego e supa thulaganyo e e fosagetseng -Dintlha tsa ngangisano ga di a rulaganngwa sentle -Diphoso tsa puo di a bonagala -Segalo le setaele tse di sa nepagalang	-E agegile bokoa -Diphoso tse di masisi tsa puo le setaele se se fosagetseng

KAROLO YA B LE C: RUBORIKI YA TLHATLHOBO YA DITLHAMO TSA DIKWALO: PADI LE TERAMA [25 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG	12–15	9–11	6–8	4–5	0–3
Thanolo ya setlhogo Ngangisano e e tseneletseng, katlholo le go tlhaloganya setlhanga 15 MADUO	-Tsbogelo ka dinaledi: 14–15 -Tsbogelo e e manontlhotlho: 12–13 -Thanolo e e tseneletseng ya setlhogo -Motseletsele o o itumedisang wa dintlha tsa ngangisano, di tshegediwa ka botlalo go tswa mo dikwalong -Go tlhaloganya mofutakwalo le setlhanga go go manontlhotlho	-O bontsha go tlhaloganya, gape o ranotse setlhogo sentle -Tsbogelo e e lekalekanang ya dintlha -Dintlha tse di utlwlang tsa ngangisano, fela ga se tsotlhe tse di tshegeditsweng jaaka go ne go tshwanetse -Go tlhaloganya mofutakwalo le setlhanga go a bonala	-Thanolo ya setlhogo e e mo magareng, ga se diponagalo tsotlhe tse di tlhagisitsweng ka botlalo -Go na le dintlha dingwe tse dintel tse di tshegetsang setlhogo -Dintlha dingwe tsa dingangisano di tshegeditswe, mme fela bosupi ga bo dumelesege ka metlha -Tlhalogantse bontlhabongwe jwa mofutakwalo le setlhanga	-Thanolo e e tlhaelang ya setlhogo, ga go na le diponagalo dipe tse di tlhagisitsweng ka botlalo -Go dintlha di le mmalwa tse di tshegetsang setlhogo -Dintlha tsa ngangisano tse di maleba di dinnye thata -Go tlhaloganya mofutakwalo le setlhanga go gonne thata	-Setlhogo ga se tlhaloganngwe -Maiteko a a bokoa a go araba potso -Dintlha tsa ngangisano ga di dumelesege -Morutwana ga a kgona go tlhaloganya mofutakwalo kgotsa setlhanga
KAGEGO LE PUO	8–10	6–7	4–5	2–3	0–1
Popego, kelelo e e tlhaloganyegang le tlhagiso Puo, segalo le setaele tse di dirisitsweng mo tlhamong 10 MADUO	-Popego e e lomaganeng -Matseno le bokhutlo di manontlhotlho -Dintlha tsa ngangisano di agegile sentle -Puo, segalo le setaele di supa kgolo, di a kgatlhiswa, di nepagetse	-Kagego e e tlhamaletseng le kelelo e e utlwlang ya ngangisano -Matseno, bokhutlo le ditemana dingwe di rulagantswe sentle ka tomagano - Kelelo e e utlwlang ya ngangisano -Bogolo puo, segalo le setaele di nepagetse	-Go na le bosupi jwa kagego -E a tlhaloganyega le go lomagana fela e na le diphoso -Diphoso di le mmalwa tsa puo, segalo le setaele tse di nepageteng go le go ntsi -Bontsi jwa ditema di nepagetse	-Popego e supa thulaganyo e e fosagetseng -Dintlha tsa ngangisano ga di a rulaganngwa sentle -Diphoso tsa puo di a bonala -Segalo le setaele tse di seng maleba -Ditemana di fosagetseng	-Go tlhokagala ga kagego go kgoreletsa kelelo ya ngangisano -Diphoso tsa puo le setaele se se fosagetseng di tlhola setlhanga se se sa atlegang -Segalo le setaele tse di seng maleba
SEELO SA MADUO	20–25	15–19	10–14	5–9	0–4